

Broj: 09-45-18523/22 H.R.

Zenica, 02.09.2022. godine

GRADONAČELNIK

PREDMET: „Jačanje uloge mjesnih zajednica u BiH“ (UNDP)

Poštovani,

S obzirom da Grad Zenica jedna od 41 jedinice lokalne samouprave koje učestvuju u projektu „Jačanje uloge mjesnih zajednica u BiH“ koji je zajednički projekat Vlade Švicarske i Švedske, a kojeg provodi Razvojni program Ujedinjenih nacija (UNDP). U prilogu Vam dostavljamo akt „Vizije razvoja mjesnih zajednica u Gradu Zenica“ kojeg je potrebno usvojiti od strane Gradskog Vijeća. Usvajanjem od strane Gradskog Vijeća traži se zbog nastavka projektnih aktivnosti, a u smjeru razvoja mjesnih zajednica u Gradu Zenica. Verzija akta koju dostavljamo na usvajanje prethodila je javna rasprava na kojoj nije bilo primjedbi na sadržaj akta.

Predstavnici Gradske uprave u saradnji s predstavnicima UNDP-a i kompanijom Lucid Linx iz Sarajeva protekle godinu radili na kreiranju akta vizije mjesnih zajednica. Lokaliziranom vizijom razvoja mjesnih zajednica u gradu Zenica se nastoje utvrditi daljnji koraci u razvoju mjesnih zajednica u sklopu našeg grada, kao i osnažiti kapacitete rada organa mjesne zajednice, a sve s ciljem revitalizacije mjesnih zajednica kao administrativnih jedinica.

Također ovim putem napominjemo da u skladu sa Projektnim aktivnostima neophodno je da ovaj akt bude usvojen od strane Gradskog Vijeća Grada Zenice na prvoj od narednih sjednici.

Isti je usvojen od 27 jedinica lokalne samouprave koje učestvuju u projektu „Jačanje uloge mjesnih zajednica u BiH“ te predlažemo da Grad Zenica isti da na usvajanje Gradskom Vijeću Zenica.

S poštovanjem,

Pripremio: *H.R.*

Hadžić Rešid, šef Odsjeka za poslove MZ

DOSTAVLJENO:

1x Naslovu

1x Stručna služba Gradskog Vijeća Zenica

1x a/a





Polazeći od činjenice da je lokalna samouprava jedan od temelja ustavnog uređenja te da je mjesna zajednica jedan od najznačajnijih oblika učešća građana i građanki u procesu donošenja odluka na lokalnom nivou, sa najdužom tradicijom postojanja,

Uzimajući u obzir opredjeljenje za razvoj lokalne demokratije u skladu sa principima Evropske povelje o lokalnoj samoupravi,

Svjesni potrebe da se učešće građana i građanki u donošenju odluka na lokalnom nivou treba poboljšati i da ga je na najbolji način moguće ostvariti kroz mjesnu samoupravu te saradnju mjesne zajednice i organa jedinice lokalne samouprave,

U želji da se građanima i građankama olakša pristup javnim uslugama te da se osigura lokalni razvoj po mjeri svakog građanina uz premisu da „niko ne smije biti isključen“,

Na osnovu član 24 Zakona o principima lokalne samouprave u FBiH, na osnovu člana 21. stav 1 tačka 26 Statuta grada Zenice, na sjednici Gradskog vijeća Grada Zenica, dana usvajamo:

VIZIJU RAZVOJA MJESNIH ZAJEDNICA U GRADU ZENICA

1. Vizija razvoja mjesnih zajednica u gradu Zenica temelji se na sljedećim principima:

- **Reprezentativnosti** – kao principa koji podrazumijeva da u izboru organa mjesnih zajednica treba obezbijediti učešće što većeg broja različitih kategorija stanovništva kako bi se postigla njihova proporcionalnost

zastupanja i rada, naročito vodeći računa o mladima, ženama i socijalno isključenim kategorijama.

- **Odgovornosti** – kao principa koji podrazumijeva da mjesna zajednica mora biti odgovorna prema svojim građanima, ali i prema lokalnim vlastima. Legitimno izabrani predstavnici mjesnih zajednica trebaju odgovorno vršiti funkcije koje su im dodijeljene.
- **Inkluzivnosti** – kao principa kojim se podstiče uključenost svih građana u rad i aktivnosti mjesnih zajednica, naročito žena, mladih i socijalno isključenih grupa.
- **Koordinacije** – kao principa koji podrazumijeva unapređenje koordinacije, komunikacije i međusobne saradnje između mjesnih zajednica i organa lokalne vlasti kao i između mjesnih zajednica i građana i ostalih aktera od značaja za razvoj mjesne zajednice kao što su organizacije civilnog društva, komunalna preduzeća, lokalne javne institucije, ne ograničavajući se na navedeno.
- **Transparentnosti** – kao principa koji podrazumijeva otvorenost za javnost i dostupnost informacija vezanih za rad mjesnih zajednica uključujući i informacije o načinu i izvorima finansiranja mjesnih zajednica.
- **Profesionalizacije i osposobljenosti predstavnika mjesnih zajednica** – kao principa koji podrazumijeva povećanje nivoa profesionalizacije i osposobljenosti predstavnika mjesnih zajednica kroz kontinuiranu edukaciju i obuku, te osiguravanje prenosa stečenog znanja i iskustava na sve buduće predstavnike mjesnih zajednica.
- **Nezavisnosti i depolitizacije** – kao principa kojim se nastoji omogućiti nezavisno i depolitizirano funkcionisanje mjesnih zajednica, kao predstavnika zajednice i građana i građanki u poslovnima zastupanja njihovih interesa kroz nezavisno donošenje odluka u skladu sa zakonom i statutom.
- **Demokratskog odlučivanja i participativnosti** – kao principa koji će osigurati demokratsko pravo na učešće u odlučivanju kao i pravo da

građani i građanke imaju pravo da biraju i budu birani na pozicije koje obavljaju u strukturama uspostavljenih tijela mjesne zajednice.

2. Vizija razvoja mjesnih zajednica u gradu Zenica sprovodiće se kroz četiri sljedeća modela mjesnih zajednica:

- ❖ Mjesna zajednica kao prostor za zagovaranje i pristup upravi;
- ❖ Mjesna zajednica kao mjesto za pružanje usluga stanovništvu;
- ❖ Mjesna zajednica kao prostor za učešće građana u odlučivanju;
- ❖ Mjesna zajednica kao društveni centar.

3. Vizija razvoja mjesnih zajednica kroz model **Mjesna zajednica kao prostor za zagovaranje i pristup upravi** sprovodiće se kroz sljedeće identifikovane funkcionalne oblasti:

- Efikasno uključivanje mjesnih zajednica u procese praćenja primjene propisa koji se tiču mjesne samouprave;
- Izrada i provođenje programa i informativnih inicijativa kojima se podiže svijest građana o funkciji predsjednika savjeta mjesnih zajednica, kao i ulozi mjesne zajednice i njenim ovlastima;
- Uključivanje mjesne zajednice u proces izrade i usvajanja ključnih lokalnih propisa i dokumenta, kao i u sprovođenje anketa i drugih modela ispitivanja javnog mijenja u JLS;
- Stvoriti sistem i uslove koji osiguravaju objektivne kriterije za rangiranje i odabir prioriteta za finansiranje, kako na nivou grada tako i unutar svake mjesne zajednice.

4. Vizija razvoja mjesnih zajednica kroz model **Mjesna zajednica kao mjesto za pružanje usluga stanovništvu** sprovodiće se kroz sljedeće identifikovane funkcionalne oblasti:

- Osmisliti i definirati načine i primjenu informacionih tehnologija u naporima da mjesna zajednica bude prepoznata kao mjesto gdje građani i građanke dobijaju pravovremene i pouzdane informacije, ostvaruju svoja prava i rješavaju probleme;

- Jačanje kapaciteta i uloge mjesne zajednice u kvalitetnoj podršci socijalno ugroženim grupama stanovništva i zaštiti stanovništva prilikom elementarnih nepogoda;
- Osiguranje pretpostavki za kvalitetniji rad mjesne zajednice (opremanje i rekonstrukcija prostorija, formalizacija uslova i načina korištenja prostora, programi obuka za osobe zadužene za rad mjesne zajednice, i dr.);
- Jačanje uloge mjesnih zajednica u organizaciji građanskih volonterskih radnih akcija.

5. Vizija razvoja mjesnih zajednica kroz model **Mjesna zajednica kao prostor za učešće građana** u donošenju odluka sprovodiće se kroz sljedeće identifikovane funkcionalne oblasti:

- Formalno pravno uređenje oblika učešća građana i građanki u donošenju odluka i definisanju lokalnih prioriteta;
- Mobiliziranje građana, naročito žena i mladih za intenzivnije učešće u radu mjesnih zajednica;
- Podizanje svijesti građana i građanki o ulozi mjesnih zajednica u ostvarivanju njihovih interesa i zagovaranju rješenja za njihove probleme;
- Obezbjedivanje prostora za okupljanje građana, naročito žena i mladih i pružanje podrške aktivnostima njihovih udruženja;
- Obezbjedjenje sadržaja i aktivnosti za mlade osoba.

6. Vizija razvoja mjesnih zajednica kroz model **Mjesna zajednica kao društveni centar** sprovodiće se kroz sljedeće identifikovane funkcionalne oblasti:

- Formalno pravno uređenje korištenja prostorija mjesne zajednice kao društvenog centra, centra kulture i sporta, i uloge volontera u društvenim, sportskim i kulturnim dešavanjima;
- Razvoj saradnje sa nevladinim organizacijama, naročito saradnje sa udruženjima koja zastupaju interese mladih, žena i osoba sa invaliditetom, i jačanje svijesti o ulozi nevladinih organizacija i mogućnostima za konkretnu saradnju mjesnih zajednica sa nevladinim organizacijama;

- Kontinuirano izdvajanje namjenskih sredstava za kulturu, sport i društvena događanja, kao i podržavanje inicijativa koje promovišu aktivizam pojedinaca u mjesnim zajednicama;
 - Uređenje saradnje sa školama, kulturnim i sportskim udruženjima i klubovima na sistemski način.
7. Zadužuje se gradonačelnik da u periodu od najkasnije 90 dana od dana usvajanja ove Vizije, putem svojih stručnih službi izradi operativni plan implementacije ove Vizije za period 2022-2026. Operativni plan mora da odredi vremenske rokove za implementaciju svih mjera i aktivnosti koje su identifikovane operativnim planom, neophodna finansijska sredstva, odgovorne službe za njihovu implementaciju, načine mjerenja učinka i nadzora nad implementacijom plana i Vizije, kao i dinamiku izvještavanja Gradskog vijeća, minimalno na godišnjoj osnovi.
8. Kroz izradu operativnog plana naročito je važno da se osigura identifikacija i uključivanje mjera i aktivnosti koji će rezultirati sa što većim uključivanjem različitih kategorija stanovništva u organe mjesnih zajednica čime bi se osigurala reprezentativnost i njihova proporcionalnost zastupanja i rada, a naročito vodeći računa o zastupljenosti žena i mladih.